

嘉靖廣平府志

天一閣藏明代方志選刊

廣平府志

一九六三年九月上海古籍
書店據寧波天一閣藏明嘉
靖刻本景印原書版框高二
五·〇公分寬一八·〇公分

廣平府志序

廣平守翁子相持其郡志一帙謁予于恒山之堂曰茲志乃前給諫陳君棐謫丞長垣時奉臺檄脩成將以考九邑之俗立畫一之政俾民有所依吏有所據則守之職也顧志成而俗不易心切而政不行則將焉用之曰子知夫水乎淵沉環滙源泉混混導之就下則放手四

海搏躍擊行則呼號震蕩恒不自適性使然也是以君子爲政導其俗也易變其俗也難要在順其勢而已昔魯人獵較孔子亦獵較說者曰孔子小同於俗固也聖人以天下無不可爲之事無不可化之人隨事以寓理因人以成化在吾導之何如耳今其獵坐作擊刺可以教武分析禽獸可以教讓祭祀宴享可

以教孝夫獵魯人所知也曰武曰讓曰孝魯人所不知也因其所已知通其所不知在夫子無異行在魯人無難事此爲政之準也今邯鄲永年其地廣其俗勇可導之以義曲周肥鄉成安其地饒其俗侈可導之以禮廣平威縣其地狹其俗靡可導之以毅清河鷄澤其地瘠其俗嗇可導之以勤因其習見之常通

其本心之蔽積之既久入之自深使民見其義不見其勇見其禮不見其侈見其毅不見其靡見其勤不見其嗇觀感激勸九邑同風是謂之大同大同者不同之所積故曰立之斯立道之斯行民日遷善而不知誰之爲之者若徒拘其志以囿民則將按圖而索驥又欲變其俗以立異吾恐駭然而震矣是故志者

記也記其事以俟稽神而明之志不與
焉守曰由是觀之道不滯器化不依形
反而求之吾民沛乎有餘裕矣

嘉靖庚戌夏六月中澣

欽差巡撫保定等府地方兼提督紫荆等關
都察院右僉都御史少峯商大節書

廣平府誌序

予奉

帝命按畿輔真順廣大四郡顧予職在周為掌贊書受法令屬維史任今之誌古之史也予因重焉每所經歷必先問誌今歲夏四月余巡至廣平翁郡守相以梓完郡志來觀實維陳棐氏往以給舍謫丞長垣時撰次有經緯二集有一圖三

表十二紀經緯者兩儀之象也一圖者太極之體也三表者效三才也十二紀者法十二時也對待有相配之體禪繼有相生之序史氏曰斯可以誌矣夫誌者言乎其志也心之所至而仁天下之書也先正有曰必有關雎麟趾之意然後可以行周官之法度今觀誌之所載自封域以迄風俗井井繩繩皆法度也

而必有至誠惻怛之意油然而相愛藹然相接者行乎其間是故志之所至氣亦至焉氣之所至精亦至焉精之所至神亦至焉神之所至仁亦至焉仁者精神之運而志氣之充也是故於誌之前編而觀之觀疆域而志於保障之固觀郡縣而志於撫綏之周觀山川而志於奠安之永觀公宇而志於政惠之施觀學

校而志於樂育之澤觀版籍而志於生養之庶觀壇宇而志於鬼神之洽觀古蹟而志於保治之恒再於誌之後編而觀之觀官秩而志於牧理之道觀選舉而志於彙征之吉觀官業而志於遺愛之存觀賢行而志於厚德之光觀列淑而志於敦睦之基觀

恩澤而志於施報之渥觀紀歷而志於豫泰

之久觀風俗而志於丕熙之懿凡此一
皆仁愛之流行也天有太極兩儀三才
十二時而不外乎一元之運誌有二集
一圖三表十二紀而不外乎一仁之通
元者天之用而志者仁之推矣予按蒞
茲土雖貞肅者在法度而惠綏元元之
意每與並行使觀一郡之誌者志仁乎
一郡則觀一省之誌者當志仁乎一方

觀天下之誌者當志仁乎天下軻氏曰
存心於天下加志於窮民予故曰誌者
仁天下之書也翁守旣知重誌其知志
於仁廣平矣夫

嘉靖己酉孟夏巡按直隸監察御史江
右項廷吉序

廣平府志目錄

卷之一 經一

封域志 圖

卷之二 經二

郡縣志 表

卷之三 經三

山川志 紀

卷之四 經四

建置志 紀

卷之五 經五

廣平府志

卷之目錄

一

學校志 紀

卷之六 經六

版籍志 紀

卷之七 經七

壇宇志 紀

卷之八 經八

古蹟志 紀

卷之九 經九

官秩志 表

卷之十 經十

選舉志表

卷之十一 緯三

官業志紀

卷之十二 緯四

賢行志紀

卷之十三 緯五

列淑志紀

卷之十四 緯六

恩澤志紀

卷之十五 緯七

廣平府志

卷之目錄

二

紀歷志紀

卷之十六 緯八

風俗志紀

右一圖三表十二紀共志十六卷分上下篇前八卷為經後八卷為緯天曜以二十八宿為經星以定位者言也日月五星為緯以流行者言也前八卷自封域以至古蹟皆形質疑定之目所列者在物乃主也靜也故以為經後八卷自官秩以至風俗皆運動推行之號所取者在事乃賓也動也故以為緯理道先靜而後動先主而後賓故此先經而後緯矣然每八卷之中又有相因之序自天地設位即畫埜分州故首

以疆域有疆域不能無變更故次以郡縣沿革然山川則不變也故次以山川有山川則公宇人居出矣故次建置學校教化之重不可以建置列故次專志學校有教必資養也故志版籍由教則禮樂興由養則報祀舉故次壇宇今者昭而往者不可泯也故終以古蹟此前八卷之序也而後八卷者以有民生而無統則亂故志官秩有官秩則彙進興故次以選舉於官秩之中而尤有政事可述者故次以官業於選舉之類而尤有德履可稱者故次以賢行要之官未必不備行而賢未必不脩業分言者從所重耳賢行志而女德亦行之賢也故次以列淑凡此皆自脩以致榮名者也而有榮數出

君上之恩賚者故次以恩澤夫事由人出者志矣然有事出於國運天時純駁之不齊亦皆郡事之可紀也故次以紀歷至于閭閻之風亦必美惡俱載故以風俗終焉或問志何取法愚曰法春秋綱目一統志也凡事大書於上細書於下系斷於後皆竊取之也蓋春秋聖人之經一統志今

王之制舍此不法而模擬焉遷諸人焉謬于聖人者矣或問圖亦收卷內者何也愚曰圖譜正所以爲志志不外乎圖譜也今春秋首有列國圖有列國年表雖後人所增是法例也或曰藝文即系於各卷事下者何也愚曰志者紀事書也藝文者當時叙記味述乎事者也事無文則靡證文無事則鮮實故

隨附之也無事可系雖文宜弗錄矣叢臺黃梁祠古今詩文亦富但歲久扁缺壁壞今不及見者已多且或有書號而不著名氏或祇稱無名氏若斯者亦難盡附作者固能諒之也或問宋元以來德政去思墓誌碑表不皆全錄其文者何也愚曰宋元以來之人史傳不備者已採文作傳故不復全錄其文也或問廣平舊志六冊而事缺畧今事增再倍而祇四冊才三伯葉者何也曰廣平成化間秦守民悅嘗創志甚簡未爲完書也嘉靖初蔣守彬補脩乃託師生成之今觀其職官列名幾一冊舉貢列名幾一冊而愚今表之增古入新止二卷耳舊墓志等文即三冊類家乘也而愚採掇節畧附各

廣平府志

卷之序

二

卷耳此所以事增而冊減也或問歷蘭趙奢諸賢一統志收真定矣今收廣平者何也曰真順廣大皆古趙區但趙自敬侯即都邯鄲傳世七君是邯鄲乃趙建國之地而今爲廣平屬也真定祇其東垣邑耳趙人當書廣平爲正愚于職官牧趙相數人亦明據此也或問廣平舊有亦里該赤朶羅解等政蹟碑納連兒丁等去思碑達魯諾懷等墓今志不載者何也曰春秋內夏外夷金元天地之大變也其人原不當仕中國其沒原不當葬中國者而其政其墓曷可書乎或問志中序斷論贊皆集陋作然有書氏或不書氏有細書或大書者何也曰小叙并總論贊皆志正體故不必書氏惟隨事有述

因雜列志內藝文之間故書郡史潁川氏以別之非自欲表
見也潁川者裴所居所氏之郡而已每條有論述者論其事
之一節故小書之每卷有論贊者論贊其卷之全義故大書
之也此皆裴一得之見而就正于三長大君子者惟

高明亮答焉

廣平府志

卷之序

三

陳裴氏謫丞長垣丁未八月蒞厥任既三日

北謁

台司適是

兵憲臺以所取大名廣平郡乘歲久缺墜請於

撫臺吾西翁

按臺舊川翁簡屬下吏修之咸不以裴之鉛蹇弗

稱遂以界裴裴於魏郡雖効蒐考而編纂之
任則付之茅判坤裴乃專乘廣平徵方籍索
群載綜纂析類畫計夜研追戊申六月粗備
裴廼言曰廣平志者志郡也而繁乎

國家天下焉洺州爲

畿輔咽喉要地然北連燕薊西接晉行若前歲虜

騎軼入雲代而腹裏戒嚴則我

撫臺方仗鉞臨邊指揮節制我

廣平府志

卷之序

序

按臺亦霜威持斧莫靖靈關文事或未得專矣近

年內治聿修外寇遠遁胡日求

貢納歟而中國方閉玉闕以謝絕是以內外寧謐

百司執事無羽檄倥偬之擾乃我

脉泉翁於秉麾建節肅政明戎之暇得舉文事之

典足規

國家之安泰而荷

聖天子之洪庇也猗歟休哉雖然愚諦郡志於疆域

而見城壘之固焉於山川而見險阻之防焉

有屯田焉政之詳焉有兵衛快壯之紀焉皆

武備之要也是則今修文事尤所以不忘武

也且幸郡志之成而於武備少有裨益耳

脉泉兵憲李翁號即此亦驗翁之識體云

廣平府志卷之一

長垣縣丞前科在給事中賴川郡鄆陵陳集修




封域志


叙曰地重夫志志重夫圖神農白阜受書聖禹括地成象即小形大可不出戶庭因邇知遙但取諸指掌辨方經緯茲務惟先廣平郡境延祗二百里袤祗百四十耳然左接山東右鄰南河要衝阨塞亦繫咽喉矣乃上稽乾文下列坤勢中畫民邦欲俾遊之而星土昭近之而城邑備旁之而形勢存仰觀俯察矩合三才受土界民制聯九縣于是乎圖封域

廣平府封域圖

廣平府志

卷之一





廣平府志

卷之一

二

或問於顧川氏曰封域有星塾何也星塾圖之何也曰予前
 聞之也自神農以來分九州而冀為一州之地周末分十二
 國而趙為一國之地往論冀州者曰冀州在兩河之間堯都
 冀州自恒山至南河千里自東河至西河千里西河龍門之
 河東則降水
 大陸之河今冀其論趙國者曰趙分晉得趙國北有信都真
 貝二州界也
 定常山又得高陽鄭州諸邑東有廣平鉅鹿清河河間又得
 文安章武諸邑南至浮水繁陽內黃斥丘西有太原定襄雲
 中五原上黨冀州之區趙國之地固如其闕也惟地體之
 闊而後有以分天體之象故星官之說以二十八宿分墊言
 之則鼎畢為冀自月七度歷鼎十一度至
 畢十一度共三十三度以北斗分墊言之

則樞星主冀

此春秋緯文雅詢之說星經以三為冀指璣星而言晉志以六為趙指開陽而言今按冀為古

帝都在北當以

主樞星為是以天市垣分堦言之則垣左第二星屬趙

兩扇垣牆

此外有十二次之屬而趙為大梁有支干之屬而

壬為趙辰邯鄲有五星之屬而榮咸鎮星大白辰星聚於畢

昴之間此金冀全趙之星土見於前載者也焉得而弗紀乎

或曰今廣平之郡乃趙冀十分之一耳十分星宿三十一度

中之一當得三度奇耳穹窿迥而不易量冲漠杳而不易知

又何以辨分堦哉予曰謂廣平盡冀趙之界不可也謂廣平

非冀趙之地亦不可也漢天文圖籍篇曰陰陽之精其本在

地而上發于天蓋川嶽之靈品物之靈上騰于空而有光耀

乃為列星先有天而次有地必天有是氣然後地有是形譬
之人焉其臟腑精華達於面目肢體髮膚之間曾無內外之
限無大小之殊以一肢一髮而謂不與臟腑相聯者非也以
一土一區而謂無星野者亦非也或曰志地理者必有星堦
矣弗詳其度數及其應驗而圖其繫者何也予曰趙之分星
雖廣平之所有然非廣平之所專有故繫圖之也先正固云
矣天道隱而難測可見莫如象天象遠而難究可致莫如圖
圖之可攷其繫而已欲載其詳則鑿矣矧星官分堦始于周
季世本古者受封之國歲星所在之辰而定之然趙本晉地
三家分晉方始有趙今欲究其地之分合多少以分度數未